



## Հուսիկ Արա

### Դատարկ եմ բոլոր ժամերի մեջ

Անձն ու դատարկ էի,  
եկար և ասացիր՝ լույս լինի,  
և դու եղար իմ մեջ .  
տեսա, թե որքան կատարյալ եմ:  
Ես, որ չգիտեի անգամ շողի մասին,  
ինձ ցույց տվեցիր լույսը ու տարար քեզ հետ.  
հիմա ինչպե՞ս խաղաղվեմ:

Այգեպան էի,  
եկար և ասացիր՝  
դու կարող ես հողից երկինք արարել.  
ես նայեցի քեզ  
ու քո տեսքով ստեղծեցի  
և հիացա՝ իմ այգին դրախտի պարտեզն էր:  
Ես, որ չէի տեսել իմ հողից վերև ոչ մի երկինք,  
համտեսեցի ինացության ծառից,  
և ինձ ուղարկեցիր երկիր.  
հիմա առանց դրախտ ինչպե՞ս ապրեմ:

Ոչ ոք ու ոչ մի տեղ էի,  
եկար և ասացիր՝ ե՛ս եմ,  
իրական եմ, ոչ թե երազ.  
հոգի եմ քո հոգուն,

և մարմին՝ քո մարմնի համար:

Ես, որ ոչինչ էի,

ինձ տվեցիր Էություն՝

ա՛ն և լցվիր,

ու չկաս,

և դատարկ է մարմինս բոլոր ժամերի մեջ:

Երբ ինձնից տարել ես իմ վերջին օրը,

հիմա ես ինչպե՞ս մեռնեմ .

ոչինչ չկար քեզնից առաջ

ու ոչինչն է քեզնից հետո: